

南方政府公報

第一輯

南方政府公報

第一輯

中華民國九年 八月十四日 星期六 修字第二百號

軍政府公報

軍政府總務廳印鑄科發行

缺目錄等一十四

公電

蔡成勳聲明宗旨電

萬急北京大總統鈞鑒保定曹經畧使盛京張巡閱使各省分送督軍省長承德張家口都統齊夏護軍使天津黎前總統承德王聘卿先生兩寓陸幹卿先生廣州岑雲階先生雲南唐莫農先生並轉各鎮守使各師旅長各省議會各公團各報館鈞鑒比歲以來外交艱棘內政糾紛軍事頻仍財源枯竭國無寧日良不聊生推原禍本實惟凶頑竊柄與安福系表裏爲奸陰謀百出厲階爲梗甚至放縱和議以阻撓統一巧立官制以擴張利權始以鼓盪閣潮終以盜弄兵力脅迫我元首發誓我同胞荼毒我人民蹂躪我疆界窮凶極惡罄竹難書罪有攸歸法在不赦我同志諸公義師崛起津保合圍曲直之勢既分勝敗之數可卜成勳介在戎行位居西北念敵愾同仇之誼切與衆共棄之懷況以庫倫一帶爲巨懸根據之地京張二路又敗軍潰退之途設有疏防誠虞漏網恐除惡之不盡將貽患於無窮成勳爲擁護元首計爲拱衛京師計爲廓清城社計爲保障西北治安計責任所在義無反顧是用聲明宗旨簡集師徒敬隨我同志諸公之後誓竭綿薄以報國家現今兵發南口與直奉聯軍聯絡一氣待命進止惟祈我大總統

主持於上同志諸公提挈於前以根本之主張爲正當之解決安福必予解散凶頑必予掃除勿留涓流星火之憂庶收一勞永逸之效如果彼輩橫生枝節難就範圍尙願武力爲之後盾縱令捐糜項踵亦復匪敢告勞至於成勳志在衛國天日可昭非忍操同室之戈實求去害群之馬凡有宗旨一致者我當親爲同胞其或附和彼輩者我卽視爲公敵邦人君子幸垂諒焉蔡成勳巧印(七月十八日)

譚督軍延閣電復各界組織公所規畫善後自應維持電

廣州軍政府政務會議鈞鑒漢電敬悉岳陽迭遭兵燹商民流離轉徙誠堪憫惻既據各界組織公所規畫善後自應特予維持以副厘注特復延閣江印(八月三日)

揭陽合益號商人林夢蘭等聲明並無電控運副不換准証暗

行包商情事並請查究盜簽商號電

廣州軍政府督軍省長連使稽核分所國會省會報界公會鈞鑒閱報載合益等十二家電稱程運副對於豐揭新舊商既不換給准証暗行包商等語不勝詫異商等此次遵章請換准証運使先後批准並未

拒絕既無包攬情事何得有此電控之文查該電係揭陽泰昌店商人林時籍一人所假冒該店不知何故未奉運副給發准証在豐揭散布謠言謂換給准証即係暗行包商並致盜簽布等字號希圖聽商等安分營業豈不承認該電聲明伏乞查究揭陽合益號商人林夢蘭等叩江（八月三日）

軍政府公報

公電

八月十四日

修字第二百號

(十八)

公文

內政部陳核廣東督軍據中國紅十字會廣東分會長林伯魁
以前保出力人員案內漏列黃鸞笙等八員請補獎一案應
准給予一等獎章文

爲咨陳事案查前承

咨交核議廣東督軍盛日代電請獎中國紅十字會廣東河南分會出力人員一案業經核議陳奉令准
並由部咨請廣東督軍令轉飭知在案茲該分會會長林伯魁以黃鸞笙等八員前案漏未給獎呈由廣
東督軍咨請補獎等情到部當經覆查無異相應將應予補獎各員照案核議開列清單陳請
貴會議察核施行此咨陳

政務會議 九年八月九日已奉

指令

中華民國九年七月廿四日

茲將議請給獎員名開陳

鑒核

計開

黃繼奎

潘達廷

梁兆山

麥公敏

余斗南

馮啟華

汪錫華

沈石卿

以上八員擬請准照所請獎給一等獎章

交通部長趙藩陳請解除職任文

交通部咨陳

爲咨陳事蓋聞燭武已老猶退奏師侯生既衰尙酬公干一則赴國家之急一則報國士之知而范少伯之泛湖張留侯之辟穀涉世粗丁遠引超然每覽前史輒興慨慕竊自袁世凱稱制未終段祺瑞弄權繼起毀法賣國黷武窮兵我西南各省倡伸大義翕應同仇於是有廣州軍政府之設推

西林岑公總其成其時

雲南唐總裁方誓師川東勢難兼顧專電老朽徵爲代表正義溫辭諠難諉卸且念國賊一日未滅國法一日未復國防一日未固國民一日未安敢犯風濤蹈瘴癘以隨諸君子於嶺海狼蒙推舉承乏交通受事以來自擊

西林岑公極綜理之苦心深維

唐總裁重代斯之委託與夫西南路政之急宜經營感激私衷兼籌並進期得一當以成全功兩易衷衷迭經風浪邪難勝正險且化夷爾乃陰謀鬼窟同牀多異夢之人因而巧奪兵符同室敝操戈之蚌負託未竟疑謗橫生自維累已迫於桑榆甯希榮達路貫穿夫荆棘自有歸途卽於三月中先辭代表繼謝交通而時事洶洶同人懇懇一再堅挽勉全始終力疾從公忽復數月生平恥傾危之行徑孤抱拙誠猶思貫聯合之主張屢陳忠告亦謂庶幾得覩勳此巨奸笑我國本相與求達衷意歸於和平今幸南北同心恭行天討段氏窮蹙俯首乞命慶父去而魯難解桓溫死而晉禍紓可以統一而安邦可以明法而善後我

軍政府兩年來護法救國之心至此可大白於天下而藩之所以不辭衰病不避纓屨參身洪流者或亦可藉手以告謝知交矣赴義而來潔身而去出處之道固不待再計而決也飲海南一勺水心事昭然發滇西萬重雲脚根行矣相應陳諸

准予解除交通部長職任俾得假裝回滇長爲共和之老民藉成文獻之餘業克完夙志何幸如之謹布

衷曲切望

施行謹咨陳

政務會議

交通部長趙藩

中華民國九年八月 日

司法部咨陳大理院推事金文治呈懇辭職文

司法部咨陳 平字第十五號

爲咨陳事准大理院函開推事金文治呈懇辭職請予轉陳等由准此除送員另文存任接替外理合陳請

貴會議核議准予大理院推事金文治辭職實爲公便謹咨陳

政務會議

司法部長徐傳霖

中華民國九年八月十一日

政務會議咨財政部商民陳廉伯等呈擬招股設立銀行一案
經議決照准請查照立案文

軍政府咨 第四百九十一號

爲咨行事本年七月二十六日政務會議准

貴部長提案開辦商民陳廉伯等呈稱擬招股設立銀行等情查該商民等所擬銀行章程其意在於溝通中外之金融振興工商之事業者眼甚爲遠大與尋常之銀行迥不相同其計畫頗堪嘉許惟宜向例凡係請求准予發行紙幣之金融機關章程必須經開議議決茲據前情相應提出政務會議敬希公決施行等由經本會議議決照准除將章程名單抄存備案外相應檢同原件備文咨請

貴部查照立案此咨

財政部長陳

計附還呈文一件均益銀行章程一件均益銀行招股章程一件創立人名單一件

政務會議

中華民國九年七月三十日

政務會議咨廣東督軍省長
據廣東電白縣學界代表黃胃等呈稱

冤案未判請通緝在逃馮舜生歸案審辦等情請查核飭辦

文

軍政府咨 第四百九十二號

為咨行事 據廣東電白縣學界代表黃胃等呈稱冤案未判請通緝在逃馮舜生歸案審辦等情前來當批呈悉候咨行廣東督軍省長查核轉飭辦理可也此批等語除懸示外相應抄錄原呈備文咨請

貴督軍 貴省長 查核飭辦此咨

廣東督軍莫

廣東省長楊

附送抄呈一件

中華民國九年七月三十日

政務會議

政務會議咨廣東督軍據廣東順德縣民廖玉逢等呈稱違法
濫征懇飭豁免各捐等情請查核辦理文

軍政府咨 第四百九十三號

爲咨行事據廣東順德縣民廖玉逢等呈稱違法濫征懇飭邊防督辦豁免各捐等情前來當批呈悉該
咨行廣東督軍核辦可也仰即知照此批等語除懸示外相應檢同副呈備文咨請

貴督軍查核辦理此咨

廣東督軍莫

附送副呈一件

政務會議

中華民國九年七月三十日

政務會議咨廣東省長據廣東寶安縣民劉新等呈稱藉命圖
陷乞飭判決以免延押等情請轉飭訊結詳復文

軍政府咨 第四百九十四號

爲咨行事據廣東寶安縣民劉新等呈稱藉命圖陷乞飭判決以免延押等情前來查此案據稱前經具呈

貴公署批飭辦理在案除批示外相應檢同副呈備文咨請

貴省長查核轉飭該縣迅即訊結詳復此咨

廣東省長楊

附送副呈一件

政務會議

中華民國九年七月三十日

司法部令廣東高等檢察廳將林開瓏等偽造印花稅票一案
辦理情形查明具報文

司法部訓令 司字第三十七號

案准

財政部咨開爲咨請事案查本部於本年正月間據印刷印花稅票監視員報稱十三行成德店有發賣偽印花情事當奉伍前部長飭該監視員會同警察前赴成德店搜出偽印花有據並將該店司事劉漢泉一名帶到警察廳訊據供稱該偽印花係由坭裏黃黎巷林記亞林仔買來嗣警察廳先後拿獲林記店伴黃容桂亞林仔卽林開瓏二名到案提訊並據警察廳函提訊該犯不認有買賣偽印花情事惟本案既經劉漢泉指証該偽印花係由該犯之林記店買來豈容狡卸案關偽造印花除將本案咨送法庭依法辦理外合將本案辦理情形復核等由到部查此案既關偽造印花業由警察廳咨送法庭辦理距今數月法庭審訊本案有無端倪一千人犯如何發落並本部主要係屬偽造印花稅票之犯林開瓏等犯有無供開如何設法追究均未准報本部無從懸揣相應備文咨請貴部長請煩查照迅賜轉飭審判廳卽將辦理本案情形錄報仍祈見交足級公誼此咨等由到部合行令仰該廳查明具報以憑咨覆此令